



შირაკი

SHIRAKI

www.open.ge

გამოდის 1937 წლიდან

დადოვლისწყაროს მუნიციპალიტეტის ბაზეთი

№13 (9.775)

8 - 15 აპრილი 2017 წელი

ფასი: 50 თეთრი

ყოველკვირეული გამოცემა

ნარჩენების
მართვის
გეგმის
შემუშავებაში
მოსახლეობა
აქტიურად
უნდა
ჩაერთოს
მმ.მ

დადოვლისწყაროს მუნიციპალიტეტის საკრებულოს ახალი თავმჯდომარე ჰყავს



მმ.მ



მმ.მ

დადოვლისწყაროს
ბუნებას
გაფრთხილება
სჭირდება



მმ.მ

ქართული
ბიჭების
გამობონილი
სამაჯური. ქაპარი,
ჩაფხუტი და კეპი
ელექტროგენერატორით

მონავ - არ მონავ? - საკითხავი აი ეს არის!



მმ.მ

ქალია სსოვრების საწყისი



მმ.მ

კულტურული მემკვიდრეობის კიდევ ორი ძეგლი



მმ. მ

გილოცავთ ბზობას!



მმ. მ

პრემიერი გამგებლებს აფრთხილებს, დანაგვიანების პრობლემა სასწრაფოდ მოაგვარონ

პრემიერ-მინისტრი გიორგი კვიციანიშვილი ადგილობრივი ხელისუფლების წარმომადგენლებს მოუწოდებს, მაქსიმალური ყურადღებით მოექიდონ დანაგვიანების პრობლემას და განსაკუთრებით ზაფხულის ტურისტული სეზონის მოახლოების გათვალისწინებით, სასწრაფოდ მოაგვარონ.

„დანაგვიანება არის ძალიან მძიმე პრობლემა, რომელიც არა მხოლოდ საინფორმაციო კამპანიით, არამედ კომბინირებულად, სანქციებით უნდა მოვაგვაროთ, ისე, როგორც ცივილიზებულ ქვეყნებშია გათვალისწინებული. ეს ჩვენი ღირსების საქმეა, - განაცხადა საქართველოს პრემიერ-მინისტრმა გიორგი კვიციანიშვილმა მთავრობის დღევანდელ სხდომაზე.

პრემიერის თქმით, დანაგვიანების მხრივ კატასტროფული ვითარებაა, როგორც ავტობანის მიმდებარე, ისე სხვა ტერიტორიებზე.

„სამწუხაროდ, ჩვენ მხოლოდ საინფორმაციო კამპანიით ვერ ვაღწევთ იმ შედეგს, რომ პოლიეთილენის პარკები თუ სხვა ტიპის ნაგავი არ იყოს მიმოფენილი ჩვენი ქვეყნის ულამაზეს ლანდშაფტზე. ამის თაობაზე წერენ ჩვენი მოქალაქეები, ჩამოსული ტურისტები და ეს არის ძალიან მძიმე პრობლემა, რომელიც არა მხოლოდ საინფორმაციო კამპანიით, არამედ კომბინირებულად, სანქციებით უნდა მოვაგვაროთ, ისე, როგორც ცივილიზებულ ქვეყნებშია გათვალისწინებული. ეს ჩვენი ღირსების საქმეა“, - განაცხადა პრემიერ-მინისტრმა.

მთავრობის მეთაურმა გარემოსა და ბუნებრივი რესურსების დაცვის მინისტრისგან მოისმინა ინფორმაცია, პრობლემის კომპლექსურად გადაჭრის მიზნით განხორციელებული ღონისძიებების შესახებ. გიგლა აგულაშვილის განმარტებით, შინაგან საქმეთა და რეგიონული განვითარებისა და ინფრასტრუქტურის სამინისტროების წარმომადგენელთა ჩართულობით ჩამოყალიბებული სამუშაო ჯგუფი უახლოეს დღეებში დაასრულებს მუშაობას ერთიან მოდელზე, რომელიც საკანონმდებლო ცვლილებებს, ადმინისტრირების გაუმჯობესებას, საინფორმაციო კამპანიის გააქტიურებას, მოსახლეობის ფართო ფენების, განსაკუთრებით ახალგაზრდების ჩართულობას და ყველა მუნიციპალიტეტს შორის ჯანსაღი კონკურენციის ჩამოყალიბებას გულისხმობს. მინისტრის თქმით, ასევე განხორციელდება ყოველდღიური მონიტორინგი და პროცესის მიმდინარეობის შესახებ მოსახლეობა ინფორმაციას მუდმივად მიიღებს.

პრემიერ-მინისტრმა აღნიშნა, რომ პრობლემის დროული აღმოფხვრა მნიშვნელოვანია, განსაკუთრებით ზაფხულის ტურისტული სეზონის მოახლოების გათვალისწინებით.

„მე ბევრს ვმოგზაურობ საქართველოს ფარგლებში და მინდა, გავაფრთხილო ადგილობრივი ხელისუფლების წარმომადგენლები - ძალიან მწვავე რეაქცია მექნება, თუ არ გვექნება შედეგი რამდენიმე თვეში, რადგან ეს არის ჩვენი ქვეყნის სახე და საქართველოს მოსახლეობის კულტურის მაჩვენებელი. ამიტომ, ვერ შევეგუებით იმას, რომ ასეთ მდგომარეობაში იყოს ჩვენი ქვეყნის ბუნება, რომელსაც ყველა უნდა გავუფრთხილდეთ. მინდა, ყველა უწყებას ვთხოვო, მაქსიმალური ყურადღებით მოექიდონ ამ საკითხს“, - განაცხადა გიორგი კვიციანიშვილმა.

შვედეთის პრემიერ-მინისტრი - ყველაფერი იმაზე მიუთითებს, რომ რაც დღეს მოხდა, ტერორისტული აქტია

ყველაფერი იმაზე მიუთითებს, რომ რაც დღეს მოხდა, ტერორისტული აქტია, - ამის შესახებ შვედეთის პრემიერ-მინისტრმა სტეფან ლოფენმა განაცხადა.

სტოკჰოლმში სატვირთო ავტომანქანის ხალხში შევარდნის შედეგად სულ მცირე სამი ადამიანი დაიღუპა, არიან დაზარალებულებიც.

გავრცელებული ინფორმაციით, დიდი სიჩქარით მოძრავი სატვირთო ავტომანქანა ფეხით მოსიარულეებს შეეჯახა. მანქანა სავაჭრო ცენტრის ვიტრინში შევარდა.

ამ მომენტისთვის პოლიციამ ქუჩის ბლოკირება მოახდინა. ადგილზე პოლიციისა და სასწრაფო დახმარების ბრიგადები მუშაობენ.

პრეზიდენტი - სამუშაო ადგილები, სიღარიბე, ფასების ზრდა და მწირი პენსიები აწუხებს საზოგადოებას

პრეზიდენტი გიორგი მარგველაშვილის განცხადებით, საქართველოს მოსახლეობას ყველაზე მეტად სამუშაო ადგილები, სიღარიბე, ფასების ზრდა, მწირი პენსიები და ლარის არასტაბილურობა აწუხებს. მისივე თქმით, აღნიშნული პრობლემები ყოველგვარი კვლევის გარეშე თვალსაჩინოა.

როგორც გიორგი მარგველაშვილმა პარლამენტში ყოველწლიური ანგარიშის წარდგენისას განაცხადა, საქართველოში სამუშაო ადგილები ინვესტიციების ზრდის პირდაპირპროპორციულად არ იქმნება. მისივე თქმით, ასევე ხშირია შემთხვევა, როდესაც ადგილობრივი კადრების კვალიფიკაციის ნაკლებობის გამო, ინვესტორებს უცხოელი მუშახელი ჩამოჰყავთ.

„სამუშაო ადგილები, სიღარიბე, ფასების ზრდა, მწირი პენსიები და ლარის არასტაბილურობა - სწორედ ეს არის ის პრობლემები, რაც ყველაზე მეტად აწუხებს საზოგადოებას და, რაც ყოველგვარი კვლევის გარეშე თვალსაჩინოა. ეკონომიკის, ან ინვესტიციების ზრდა არაფრისმთქმელ სტატისტიკურ მონაცემად დარჩება, თუ არ მოხდება ისედაც მწირი დოვლათის ეფექტური გადანაწილება, სამუშაო ადგილების შექმნა. სამწუხარო რეალობაა, რომ საქართველოში ინვესტიციების ზრდის პირდაპირპროპორციულად არ იქმნება სამუშაო ადგილები. ხშირია შემთხვევა, როდესაც ინვესტორებს უცხოელი მუშახელი ჩამოჰყავთ, ადგილობრივი კადრების კვალიფიკაციის ნაკლებობის გამო. შესაბამისად, იმისთვის, რომ უცხოური ინვესტიციებიდან მეტი სარგებელი მივიღოთ, საჭიროა, ბაზრის მთხოვნების შესაბამისი პროფესიული განათლება ეკონომიკური პოლიტიკის პრიორიტეტად ვაქციოთ“, - განაცხადა პრეზიდენტმა.

პრეზიდენტის განცხადებით, ბოლო პერიოდში არსებობს ტენდენცია, რომ მსხვილი ბიზნესი კიდევ უფრო მსხვილდება, შედარებით მცირე ბიზნესის შესყიდვა-შერწყმის ხარჯზე. მარგველაშვილი მიიჩნევს, რომ ეკონომიკური რეფორმების შემუშავება და დანერგვა ბიზნესთან კონსულტაციების გარეშე არ უნდა ხდებოდეს.

ზაზა გაბუნია - ჩვენ არ გთხოვთ შეგვაქოთ, ჩვენ გთხოვთ პატივისცემით კონსტიტუციით განსაზღვრულ თქვენს როლს

ჩვენ არ გთხოვთ შეგვაქოთ, ჩვენ გთხოვთ პატივისცემით კონსტიტუციით განსაზღვრულ თქვენს როლს, - ასე მიმართა ფრაქცია "ქართული ოცნება მწვანეების" წევრმა ზაზა გაბუნიამ საქართველოს პრეზიდენტს პარლამენტში სიტყვით გამოსვლისას.

როგორც ზაზა გაბუნიამ განაცხადა, მისთვის გაუგებარია, რატომ არ მონაწილეობს საქართველოს პრეზიდენტი საკონსტიტუციო კომისიაში. „ბატონო პრეზიდენტო, მაინტერესებს საკონსტიტუციო კომისია რატომ ვერ იმსახურებს თქვენს ნდობას?! იქ მუშაობენ ორი თაობის კონსტიტუციონალეები და პროფესიონალეები. ამავდროულად თქვენ თქვენს მოტივირებულ შენიშვნებზე მეტად ხელისუფლებასთან პოლიტიკური კონფრონტაციით ხართ მოტივირებული. ხომ არ ნიშნავს ეს, რომ თქვენ ირიბად და ნებაყოფლობით ამბობთ უარს პრეზიდენტის ზეპოლიტიკურ თანამდებობაზე და ხდებით პოლიტიკური მოთამაშე. ისევე, როგორც არბიტრმა რომ გადაიცივას ერთ-ერთი გუნდის მაისური, ის უნდა განვიხილოთ, როგორც გუნდის წევრი და არა არბიტრი, რომლის მთავარი ამოცანაა ქულების დაგროვება.

მე მჯერა, რომ თქვენ ხართ ბუნებით დემოკრატი და გესმით რამდენად მნიშვნელოვანია პრეზიდენტს ჰქონდეს საკუთარი როლი და მან შეინარჩუნოს დამკვირვებლის როლი“, - განაცხადა ზაზა გაბუნიამ.

მისივე თქმით, როდესაც განსწავლული ზედაპირულობით მხოლოდ ვინო ჯგუფების მამამებლურ განცხადებებს აკეთებს, ეს ნიშნავს იმას, რომ პრეზიდენტი უბრალოდ ხელისუფლების ოპონენტია. „გთავაზობთ დავასრულოთ ამ ინსტიტუციებისთვის შეუფერებელი კინკლაობა. ჩვენ არ გთხოვთ შეგვაქოთ, ჩვენ გთხოვთ პატივისცემით კონსტიტუციით განსაზღვრულ თქვენს როლს“, - განაცხადა ზაზა გაბუნიამ.

ირაკლი კობახიძე - ძალიან მძიმე სურათი დაიხატა პრეზიდენტის მოხსენებაში და ვფიქრობ, ეს სურათი სინამდვილეს არ ასახავს

ძალიან მძიმე სურათი დაიხატა პრეზიდენტის მოხსენებაში და ვფიქრობ, ეს სურათი არ ასახავს იმ სინამდვილეს, რომელიც არის ჩამოყალიბებული ჩვენს ქვეყანაში, - ამის შესახებ საქართველოს პარლამენტის თავმჯდომარემ, ირაკლი კობახიძემ პარლამენტში პრეზიდენტის წლიური ანგარიშის შეფასებისას განაცხადა.

კობახიძე ეთანხმება უმრავლესობის დეპუტატების შეფასებას იმის შესახებ, რომ პრეზიდენტის მოხსენებას აკლდა ობიექტურობა.

„ძალიან მძიმე სურათი დაიხატა პრეზიდენტის მოხსენებაში და მე ვფიქრობ, რომ ეს სურათი არ ასახავს იმ სინამდვილეს, რომელიც არის ჩამოყალიბებული ჩვენს ქვეყანაში. მე შეგახსენებთ, რამდენიმე ფრაზას, მაგალითად პრეზიდენტის მოხსენებაში საუბარი იყო, რომ ძალაუფლების კონცენტრაციის საფრთხე იყო და ეს საფრთხე იქცა სერიოზულ პრობლემად, ეს საკმაოდ მძიმე განცხადებაა, მმართველი ძალა ჩაიკეტა საკუთარ თავში“ - ესეც ძალიან მძიმე განცხადებაა, ასევე საუბარი იყო იმაზე, რომ მოქალაქე დაუცველია, როცა ხელყოფილია მისი უფლება ილოცოს, როცა მას ამცირებენ ეთნიკური წარმომავლობის გამო, როდესაც მას ჩაგრავენ სექსუალური ორიენტაციის გამო, როდესაც მას არასათანადოდ ეპყრობიან სამართალდამცველები, როცა მას დევნიან პოლიტიკური და სხვა ნიშნით, როცა მას უკანონოდ უსმენენ - ეს არის ძალიან მძიმე ფრაზები. გასაგებია, რომ თავში და ბოლოში ერთგვარად განეიტრალებული იყო ეს შეფასება, მაგრამ ადვილად გამოსაცნობი იყო ის, რომ მედია ამ ფრაზებს გამოიყენებდა ზუსტად ისე, როგორც გამოიყენა და ეს ფრაზები აქცია ე.წ. ჰედლაინებად, რომელიც მთლიანად არის აცდენილი დღევანდელ რეალობას და იმ სინამდვილეს, რომელიც დღეს არის ქვეყანაში“, - განაცხადა ირაკლი კობახიძემ.

მისივე თქმით, პრეზიდენტის მხრიდან საუბარი იყო სახიფათო და გამჭვირვალე პროცესებზე მედიაში, რაც ასევე მძიმე შეფასებაა. „საუბარი იყო იმაზე, რომ ხალხს ვართმევთ პრეზიდენტის არჩევის უფლებას, ასევე საუბარი იყო იმაზე, რომ ეს არ უნდა იყოს დღევანდელ ან მომავალ პრეზიდენტზე, ან დღევანდელ ან მომავალ პრემიერზე დამოკიდებული. ანუ აქ იყო მინიშნება ე.წ. არაფორმალურ მმართველობაზე, რომელსაც არანაირი მტკიცებულება ამ კონკრეტულ შემთხვევაში არ აქვს. და ბოლოს, ძალიან მძიმე ფრაზა იყო მრავალჯერ იმედგაცრუებულ ამომრჩეველზე, რაც შეეხება რეალობას, ამაზე მინდა ჩემი მოსაზრება მოგახსენოთ, რა თქმა უნდა ქართული რეალობა არ არის ისეთ ფერებში დახატული, როგორც მაგალითად შვეიცარიაში, რომელსაც მშპ ჩვენზე 10-ჯერ და 20-ჯერ მეტი აქვს, თუმცა ის სურათი, რაც დღეს იყო წარმოდგენილი, დღევანდელ სინამდვილეს არ შეესაბამება“, - აღნიშნა პარლამენტის თავმჯდომარემ.

სკოლებში პირველკლასელთა რეგისტრაცია 10 აპრილიდან დაიწყება

10-დან 24 აპრილის ჩათვლით რეგისტრაცია შეეძლება მხოლოდ იმ კატეგორიის მოსწავლეებს, რომლის დამაც სწავლობს ამ სკოლაში, რომლის მშობელიც სკოლის თანამშრომელია და რომლის ოჯახიდანაც ერთდროულად ორი ან მეტი ბავშვი შედის პირველ კლასში.

პირველ ეტაპზე დარეგისტრირებული მოსწავლის ჩასარიცხად აუცილებელი დოკუმენტების მიღება მოხდება სკოლაში - 25 აპრილიდან 5 მაისის ჩათვლით.

მეორე ეტაპი, საყოველთაო ელექტრონული რეგისტრაცია 8 მაისს დაიწყება და 1-ლი ივნისის ჩათვლით გაგრძელდება. რეგისტრაცია განხორციელდება განათლების მართვის, საინფორმაციო სისტემის ოფიციალურ ვებგვერდზე. WWW.EMIS.GE

ზოგადსაგანმანათლებლო დაწესებულებებში, მეორე ეტაპზე რეგისტრირებული მოსწავლის ჩასარიცხად აუცილებელი დოკუმენტების მიღება მოხდება - 2 ივნისიდან 15 ივნისის ჩათვლით.

პირველ და მეორე ეტაპზე მოსწავლის ჩასარიცხად აუცილებელი დოკუმენტების განსაზღვრულ ვადებში წარუდგენლობის შემთხვევაში რეგისტრაცია ავტომატურად უქმდება.

პირველკლასელთა რეგისტრაციის მესამე ეტაპი - 19 ივნისიდან 30 ივნისის ჩათვლით განხორციელდება. რეგისტრაცია მოხდება სკოლაში, მეორე ეტაპის დასრულების შემდგომ გამოთავისუფლებულ ვაკანტურ ადგილებზე მოსწავლის ჩასარიცხად აუცილებელი დოკუმენტაციის წარდგენის საფუძველზე.

ზოგადი განათლების დაწყებით საფეხურზე სწავლის დაწყების უფლება აქვთ იმ მოსწავლეებს, რომელთა ასაკი შეესაბამება კანონით განსაზღვრულ მთხოვნებს, ანუ სწავლის დაწყებისთვის უსრულდებათ 6 წელი. 2017-2018 სასწავლო წელი 15 სექტემბერს დაიწყება.

დედოფლისწყაროს მუნიციპალიტეტის საკრებულოს ახალი თავმჯდომარე ჰყავს



მინი ღოსი: დაიბადა 1958 წლის 1 იანვარს დედოფლისწყაროს რაიონის სოფელ ქვემო ქედში. 1983 წელს დაამთავრა თბილისის სახელმწიფო უნივერსიტეტის ისტორიის ფაკულტეტი და მიენიჭა ისტორიკოსის, ისტორიისა და საზოგადოებათმცოდნეობის მასწავლებლის კვალიფიკაცია. 1983-1985 წლებში მუშაობდა ქალაქ თბილისის N71-ე პროფესიულ სასწავლებელში ისტორიის მასწავლებლად. 1985-1991 წლებში ნუგზარ პაპიაშვილი თბილისის N2 მუსიკალურ სასწავლებელში აგრძელებს ისტორიისა და საზოგადოებათმცოდნეობის პედაგოგად მუშაობას. 1991 წლიდან 1993 წლამდე დედოფლისწყაროს რაიონის სოფელ ქვემო ქედის საშუალო სკოლის დირექტორია, ხოლო 1994-1997 წლებში ამავე სოფლის საკრებულოს თავმჯდომარე. 1997-2000 წლებში ის დედოფლისწყაროს გამგეობის საორგანიზაციო განყოფილებას ხელმძღვანელობს, რის შემდეგაც კვლავ პედაგოგიურ საქმიანობას უბრუნდება და 2000 წელს ქ.თბილისის N89-ე საჯარო სკოლის დირექტორად იწყებს მუშაობას, ხოლო 2007 წელს N193-ე საჯარო სკოლის დირექტორად. 2009 წლიდან 2012 წლამდე ის კვლავ მშობლიურ სოფელს ხელმძღვანელობს. 2013 წლის იანვრიდან ნუგზარ პაპიაშვილი კახეთის სატყეო სამმართველოს, ხოლო 2013 წლის აგვისტოდან 2014 წლის ივლისამდე გარემოს ზედამხედველობის კახეთის სამსახურის უფროსის პოსტებს იკავებს. 2014 წლის 14 ივლისიდან ნუგზარ პაპიაშვილი დედოფლისწყაროს მუნიციპალიტეტის საკრებულოს თავმჯდომარის მოადგილეა, 2017 წლის 5 აპრილს კი ის დედოფლისწყაროს მუნიციპალიტეტის საკრებულოს თავმჯდომარედ აირჩიეს. ჰყავს მეუღლე და სამი შვილი.

5 აპრილს დედოფლისწყაროს მუნიციპალიტეტის საკრებულოს რიგგარეშე სხდომა გაიმართა. საკრებულოს წევრებმა ცნობად მიიღეს საკრებულოს თავმჯდომარის, ზვიად ჯავახიშვილის განცხადება თანამდებობიდან გადადგომის შესახებ.

სხდომაზე დღის წესრიგით გათვალისწინებული იყო საკრებულოს ახალი თავმჯდომარის არჩევა. ამ თანამდებობაზე საკრებულოს წევრებმა თავმჯდომარის მოადგილის, ნუგზარ პაპიაშვილის

კანდიდატურა წამოაყენეს. სხდომაზე ნუგზარ პაპიაშვილის გარდა სხვა კანდიდატურა არ დასახელებულა. ფარულ კენჭისყრაში მონაწილეობა საკრებულოს ოცდაათმა წევრმა მიიღო. შედეგების მიხედვით, 24 ხმით ნუგზარ პაპიაშვილი

ერთხმად იქნა არჩეული დედოფლისწყაროს მუნიციპალიტეტის საკრებულოს თავმჯდომარედ. თავმჯდომარის მოადგილეს წარმომადგენლობითი ორგანოს წევრები უახლოეს სხდომაზე აირჩევენ.

ნარჩენების მართვის გეგმის შემუშავებაში მოსახლეობა აქტიურად უნდა ჩაერთოს

№	მუნიციპალიტეტი	ჩატარების თარიღი და დრო	ჩატარების ადგილი	კომენტარი
1	დედოფლისწყარო	13.04.2017 12-00 სთ-ზე	მუნიციპალიტეტის საკრებულოს სხდომათა დარბაზი (1 სართული)	შეხვედრა ს ა ჯ ა რ ო სექტორთან
2		19.04.2017 12-00 სთ-ზე	მუნიციპალიტეტის საკრებულოს სხდომათა დარბაზი (1 სართული)	შეხვედრა ბ ი ზ ნ ე ს სექტორთან
3		27.04.2017 12-00 სთ-ზე	მუნიციპალიტეტის საკრებულოს სხდომათა დარბაზი (1 სართული)	შეხვედრა სამოქალაქო სექტორთან

მუნიციპალური ნარჩენების მართვის ეფექტიანი გეგმის შემუშავებისთვის მნიშვნელოვანია მოსახლეობის ფართო ფენების და დაინტერესებული მხარეების აქტიური ჩართვა, როგორც დოკუმენტის შემუშავების, ასევე შემუშავებული დოკუმენტის განხილვის ეტაპზე, რადგან თითოეულ მოქალაქეს თუ ორგანიზაციას, ერთნაირად ეკისრება მოვალეობა და პასუხისმგებლობა, მის საცხოვრებელ თუ სამუშაო/სამოქმედო არეალში მუნიციპალური ნარჩენებისგან გარემოს დაბინძურებაზე.

ყველამ კარგად ვიცით, რომ ჩვენს ქვეყანაში, მიმდინარე წლიდან, ნაწილობრივ, უკვე ამოქმედდა ნარჩენების მართვის კოდექსი და საჯარიმო სანქციები. შემუშავდა ნარჩენების მართვის მუნიციპალური გეგმები, რომლის გაცნობაც სავალდებულოა მოსახლეობისთვის, რათა მოქალაქეები გაეცნონ ადგილობრივ საჯარიმო სისტიმას და გამოხატონ თავიანთი მოსაზრებები მანამ, სანამ დოკუმენტი საბოლოო სახეს მიიღებს და დასამტკიცებლად წარედგინება საკრებულოს. დედოფლისწყაროს მუნიციპალიტეტის გამგეობა გინვეთ ნარჩენების მართვის მუნიციპალური გეგმის განხილვაზე, წარმოდგენილი გეგმა-გრაფიკის მიხედვით.

მოწევ - არ მოწევ? - საკითხავი აი ეს არის!



ქრისტიანული ეკლესიის მესვეურებს მიაჩნდათ, რომ თამბაქო დემონების ბალახი იყო და საერო ხელისუფლებასთან ტანდემში ცდილობდნენ, მისგან დაეხსნათ მოსახლეობა. 1623 წელს პაპმა ურბან VIII- გამოსცა ბულა, რომლითაც ეკლესიიდან განკვეთით ემუქრებოდა ყველას, ვინც თამბაქოს ეწეოდა ტაძარში; 1638 წელს, სპარსეთში ლაშქრობისას, იმ ჯარისკაცებს, რომელთაც თამბაქოს წვეისას ნაასწრებდნენ, ხმლით აჩეხვა, ჩამორჩობა ან ძელზე გასმა ელოდათ...შვეიცარიაში კი 1661 წელს აპენელის მაგისტრანტმა თამბაქოთი ვაჭრობისათვის, როგორც თვით ღმერთის მიერ აკრძალული ცოდვისათვის, სასჯელის იგივე ზომა განსაძღვრა, რაც მკვლელობისთვის იყო დაწესებული. მკაცრმა ზომებმა ვერ შეძლეს ახალი, მანამდე უცხო ხილისადმი მზარდი ლტოლვის შეჩერება. აკრძალული, იგი კიდევ უფრო ტკბილი ხდებოდა... და ეწეოდნენ ფარულად, რისთვისაც მიდიოდნენ ტყეებში, იმალეობდნენ სარდაფებში, და ეს გაგრძელდა მანამ, ვიდრე თავად ხელისუფალი არ დაინებდნენ... საქართველოში თამბაქო მე-18 საუკუნეში გავრცელდა. ეს გახლდათ დაბალი ხარისხის წიკო. მეცხრამეტე საუკუნეში უკვე მასიურად შემოვიდა ჩვენს ქვეყანაში თამბაქო და როგორც ჩანს, ე.წ. ელიტურ წრეებში მან მალევე დაიმკვიდრა ადგილი. ის მოდური ტენდენციის ერთგვარ შემადგენელ ნაწილად იქცა. საქართველოში არა მხოლოდ მამაკაცები იყვნენ მისი მომხმარებლები, არამედ ქალბატონებიც... მალალი წრეებიდან თამბაქომ ხალხშიც გადაინაცვლა და ყველა ფენა მოიცვა. ბურჟუაზიის მწველი ქალბატონები თავს იმით იმართლებდნენ, რომ ის უამრავ დაავადებას კურნავდა, მათ შორის შაკიკსაც. სიგარეტი დღემდე მოდაა საქართველოში. მახსოვს, ჩემი სტუდენტობის დროს ბევრი გოგონა მოწევას იმიტომ იწყებდა, „სვეტსკების“ წრეში რომ დაემკვიდრებინათ თავი, პროვინციალობა დაემარცხებინათ და „გოიმის“ იარლიყი მოეშორებინათ. გასული საუკუნის 90-იან წლებში ჯერ კიდევ მალულად ეწეოდა ბევრი გოგონა სიგარეტს, რადგან მისი მოხმარება მსუბუქი ყოფაქცევის ქალბატონთან ასოცირდებოდა... კარგა ხანია, ეს სტერეოტიპი დაიმსხვრა საქართველოში, სიგარეტის მოხმარება უზუნოვანსთან კავშირში აღარაა, მაგრამ ის „მალალი წრის სინდრომი“ უფროა, ვიდრე მანვე ჩვევა, ჩვევა, რომელიც ადამიანის ჯანმრთელობას ზიანს აყენებს... ხალხმრავალ ადგილებში სიგარეტის მოწვევის აკრძალვის საკითხმა პარლამენტიდან სოციალურ სივრცეში, ანუ საზოგადოებაში გადაინაცვლა. რამდენიმე დღეა, გუგული მალრადის ინიციატივამ, რომელიც მთლიანად არამწველთა ინტერესების დაცვას ემსახურებოდა, სოლიდარობის ნაცვლად აგრესია უფრო გამოიწვია. მართალია, საზოგადოების ტონი ცინიკურია და იუმორით გა-

ულენილი, მაგრამ დაუფარავი აგრესია მაინც იგრძნობა. ოფიციალური სტატისტიკა მწველთა რაოდენობის შესახებ არ არსებობს, მაგრამ ფაქტია, რომ ჩვენს ქვეყანაში მათი რიცხვი საკმაოდ მაღალია და ის საზოგადოების 50%-ს მაინც შეადგენს. ამიტომ აუცილებლად უნდა გავითვალისწინოთ მათი უფლებებიც და სპეციალურ მოსაწევ ადგილებსა და ოთახებზეც უნდა ვიზრუნოთ. მით უფრო, როცა პრეტენზია გვაქვს, რომ ვართ ჰუმანური და განათლებული საზოგადოება. ამიტომ საზოგადოებაში, სადაც სიგარეტის მოწევა მოდაცაა და გარკვეულ წრეში ინტეგრირების საშუალებაა, არა მგონია, მოწვევის სრულად აკრძალვა რეალურად ამოქმედდეს, კანონის მიღების შემთხვევაშიც კი. და ეს მაშინ, როდესაც ისტორიის ფაქტებზე დაყრდნობით, თამბაქოს მოხმარებაზე უარი გაცილებით მკაცრმა სადამსჯელო ღონისძიებებმაც კი ვერ ათქმევინა კაცობრიობას...

ინგა შიოლაშვილი



თამბაქოს კონტროლის მექანიზმები და ხალხის აზრი...

გადაადგეთ სიგარეტი და...

- ... 20 წუთის შემდეგ
ბოლო ღერის მოწვეიდან არტერიული წნევა ნორმაში დგება, აღდგება გულის მუშაობა
- ... 8 საათის შემდეგ
სისხლში კანცერის შემცველობა ნორმაში ჩადგება
- ... 2 დღის შემდეგ
ძლიერდება გემოს და ყნოსვის შეგრძნება
- ... 1 კვირის შემდეგ
გაგიუმჯობესდება სახის ფერი, გაგიკრება უსიამოვნო სუნი კანზე, თმებზე და პირში
- ... 1 თვის შემდეგ
უკეთ იხსნება, აღარ შეგაწუხებთ ხველა და თავის ტკივილი
- ... ნახევარი წლის შემდეგ
გაგიუმჯობესდება სპორტული შესაძლებლობები, გაგიჩნდება მეტი ფიზიკური დატვირთვის სურვილი
- ... 1 წლის შემდეგ
შეველებთან შედარებით გაგიზარდება გულის დაავადებათა რისკი
- ... 5 წლის შემდეგ
მკვეთრად შეგიძლირდება ფილტვის კიბოთი დაავადების რისკი



მსოფლიოს ჯანდაცვის დაავადებათა კონტროლის და პრევენციის ცენტრის მონაცემებით, თამბაქოს მოწვევა ადამიანის სხეულის თითქმის ყველა ორგანოს აზიანებს, იწვევს უამრავ დაავადებას, მათ შორის: გაფანტულ სკლეროზს, რევმატიდულ ართროზს, სისხლძარღვების შევიწროებას, გულის შეტევებს, ინსულტებს, კიბოს (ძირითადად ფილტვის, საყლაპავის, პირის ღრუს), აზიანებს ადამიანის ღვიძლებს, კიდევ სხვა უამრავ დაავადებას და საბოლოო ჯამში, სიგარეტში არსებული ნიკოტინი ისეთივე დამოკიდებულებას იწვევს, როგორც კეროინი ან სხვა მძიმე თუ მსუბუქი ნარკოტიკი.

მონევაზე უარის თქმა ამცირებს არტერიულ წნევას, პულსის სიხშირეს და ზემოთ ჩამოთვლილი ყველა დაავადების რისკებს, გვიცავს ჯანსაღი ცხოვრების წესს. რა თქმა უნდა, ნებისმიერი სახის აბსტინენციასთან ბრძოლა ურთულესია, მაგრამ, ყველაფერი შესაძლებელია, თუ გავიზრებით, რისთვის არის საჭირო მავნე ჩვევებზე გამარჯვება.

დაზურულ შენობებში, საზოგადოებრივ ტრანსპორტსა და სტადიონებზე, კაფე-ბარებში, რესტორნებში, სააღმზრდელო, საგანმანათლებლო და ნებისმიერ სხვა სასაზოგადოებრივ დაწესებულებებში, აგრეთვე, ბიბლიოთეკებში, მოსწავლე-ახალგაზრდობის ბანაკებში, ბავშვთა გასართობ ცენტრებსა და 18 წლამდე პირებისთვის განკუთვნილ სხვა დაწესებულებებში მომავალი წლიდან მონევა აკრძალდება. ახალ რეგულაციებს „თამბაქოს კონტროლის შესახებ“ საქართველოს კანონში შესატანი ცვლილებათა პაკეტი ითვალისწინებს.

რედაქციამ არც ამჯერად დატოვა ბოლო დროის ეს მნიშვნელოვანი თემა ყურადღების მიღმა და ჩვენი რაიონის სხვადასხვა პროფესიის ერთგულ რესპოდენტებს შემდეგი კითხვებით მივმართეთ: **რა აზრის ხართ „თამბაქოს კონტროლის შესახებ“ ახალი რეგულაციების შემოღებასთან დაკავშირებით, საზოგადოებრივი თავშეყრის ადგილებში თამბაქოს მოწვევის აკრძალვა ხომ არ იმოქმედებს ქვეყნის ეკონომიკაზე და კერძო ბიზნესის განვითარებაზე, რეალურად შეამცირებს თუ არა მწვევლთა რიცხვს და რანდენად**

სასიკეთო იქნება კანონის ამოქმედება არამწვევლი მოსახლეობისათვის?

მაკა სულაშვილი, ჟურნალისტი-ნარკოტიკოლოგი სიტუაცია: ვართ ღია ცის ქვეშ საბავშვო ღონისძიებაზე ან უბრალოდ პარკში. ეს არაა არც სააღმზრდელო და არც საგანმანათლებლო დაწესებულების ტერიტორია, სადაც კანონი ისედაც დიდი ხანია კრძალავს თამბაქოს მოხმარებას. ვიყენებ კანონით მონიჭებულ უფლებას და უამრავი მოზარდის თვალწინ ვწვები სიგარეტს. და რადგან ვერ ვხვდები, ამით რამხელა ზიანს ვაყენებ მოზარდის ჯანმრთელობას ან რა მაგალითს ვაძლევ მას, ასეთ სიტუაციაში კანონმა მაინც უნდა შემაჩეროს. ეს მაგალითი იმიტომ მოვიყვანე, რომ მსგავს შემთხვევებს ხშირად შევხვდები. ასეთი არაერთი ფაქტის და ადგილის დასახელება შესაძლებელი. ამით კი იმის თქმა მინდა, რომ გარკვეული რეგულაციების დანერგვა და კანონის გამკაცრება აუცილებელია. საერთოდ, არ ვთვლი, რომ თამბაქოს გაძვირება და აკრძალვა ეფექტური მეთოდია მწვევლთა რაოდენობის შესამცირებლად. დამიჯერეთ, ვისაც

მონევა უნდა, ის აუცილებლად გამოახსენებს საამისოდ მატერიალურ სახსრებსაც და შეაბამის ადგილსაც. თამბაქოს მოხმარების პრევენციისათვის ყველაზე მნიშვნელოვანი საინფორმაციო კამპანიაა. ჩემი აზრით, სახელმწიფომ სწორედ ამ მიმართულებით უნდა გააკეთოს აქცენტები და თუნდაც აქციზით მიღებული ბონუსებიც ამ კამპანიას მოახმაროს. დარწმუნებული ვარ, ამ სფეროში ჩემზე გამოცდილი მრჩეველები ჰყავთ და უკეთესად განსაზღვრავენ თამბაქოს მოხმარების შემცირების კამპანიას, მაგრამ ნებისმიერ შემთხვევაში მათ მწვევლთა ინტერესებიც უნდა გაითვალისწინონ. პირველ რიგში იმიტომ, რომ მკაცრი აკრძალვა გამოიწვევს მათ პროტესტს და ასევე იმიტომ, რომ ეს დაკავშირებული იქნება ეკონომიკურ რისკ-ფაქტორებთანაც. ეს ორი ფაქტორი ერთმანეთთან მჭიდროდ დაკავშირებულია და შესაძლოა, საერთო გამოსავალიც ჰქონდეთ. კერძოდ, მწვევლთათვის სპეციალური ადგილების გამოყოფა კაფეებში, რესტორნებში, დასასვენებელ პარკებსა და საზოგადოებრივი თავშეყრის სხვა ადგილებში, დაიცავს მათ უფლებებსაც და ამ დანერგულებების მესაკუთრეთა ინტერესებსაც, ჩემი აზრით, გარდაუვალი ეკონომიკური რისკებისგან. კიდევ ერთ პრობლემას შევხვები: რამდენ არასრულწლოვანს უყვიათ თქვენს თვალწინ სიგარეტი ან რამდენ მწვევლს შემოუბოლებია თქვენთვის საზოგადოებრივ ტრანსპორტში? თუ მიპასუხებთ, რომ არცერთს, თქვენ არ ხართ გულწრფელი. ამ მიმართულებით კანონი ჯერ კიდევ წლების წინ გამკაცრდა, მაგრამ მისი სრული დაცვა, სამწუხაროდ, დღემდე ვერ ხერხდება. იცით, რატომ? ჩემი აზრით, მთავარი პრობლემა მოქალაქეთა თვითშეგნების ამაღლებაა. დაახ, თუ საზოგადოებამ არ შეუწყო ხელი კანონის განხორციელებას, მხოლოდ ხელისუფლება ვერ შეძლებს ამას, როგორც ნება და მონდომებაც არ უნდა ჰქონდეს მას. მოქალაქეთა თვითშეგნების ამაღლება კი, თავის მხრივ, ისევ ხელისუფლების პრეროგატივაა. მაგრამ მხოლოდ „წერთა“ ამ ამბავს ვერ უშველის... და ბოლოს, რადგან დღეს ეს თემა აქტუალურია, რადგან იწვევს კანონების, მუშავდება პროპაგანდისტული სტრატეგია, ეს ნიშნავს, რომ ხელისუფლების

მხრიდან არსებობს საკუთარი მოქალაქეების ჯანმრთელობაზე და მათ მომავალზე ზრუნვის სურვილი და მონდომება. ჩვენ, რიგით მოქალაქეებს, ამ მისიაში მნიშვნელოვანი როლი გავაჩნია. ეს როლი კი მოქალაქეობრივ თვითშეგნებასა და კანონმორჩილებაშია.

მირანდა ბაჰრაძე, ფსიქოლოგი-სადაც ბავშვები არიან და არამარტო ბავშვები, ვინც არ ეწევა და ვისაც აღიზიანებს სიგარეტის კვამლი, არ უნდა ეწოდეს არავინ, ხოლო რაც შეეხება თამბაქოს მოხმარების შემცირებას, ძალიან უმნიშვნელო პროცენტით შეიძლება შემცირდეს ან სულაც პირიქით, აქამდე თუ საზოგადოებრივად მალულად ეწეოდა ბევრი, ახლა აღარ დაიმალევა და ქუჩაშიც შეიძლება მონიონქალებზე დაქვსა (საუბარი).

რეგულაციები აუცილებლად საჭიროა და ნამდვილად ვეთანხმები. ხომ ყველამ კარგად ვიცით, რომ ნიკოტინი ძალიან საშიშია ჯანმრთელობისათვის, შარბანდელი მონაცემების თანახმად მსოფლიო ჯანდაცვის ორგანიზაციამ დადო დასკვნა, რომ ფილტვის კიბოთი დაიღუპა 1 820 000 ადამიანი (60% სიგარეტის მწვევლი და პასიური მწვევლი, ხოლო დანარჩენი სხვადასხვა მიზეზებით.) თამბაქოს მონევა ყველაზე მნიშვნელოვანი რისკ-ფაქტორია, რომელიც ფილტვის და სხვადასხვა სახის კიბოთი დაავადებებს იწვევს.

ლიბირა ყოჩიაშვილი, ოტორინოლარინგოლოგი - მე, როგორც ექიმი, სრულებით ვმსახურებ საზოგადოებრივი თავშეყრის ადგილებში სიგარეტის მოწვევის სრულად აკრძალვას! აქ ეკონომიკური ფაქტორები მეორეხარისხოვანია, როდესაც საქმე ადამიანებისა და მათ უმეტეს-ბავშვების სიცოცხლეს ეხება! პირველ რიგში, როდესაც ადამიანი ეწევა, მისი ფილტვები ნაგვიანდება იმ სიბინძურით, რასაც სიგარეტის ბოლი შეიცავს: კუპრი, ნიკოტინი, ნახშირბადის მჟავა და ა.შ. ნიკოტინი ფილტვებიდან უსწრაფესად გადადის სისხლში და აღწევს თავის ტვინს, მსოფლიოში უამრავი ადამიანი იღუპება ნიკოტინით გამოწვეული ფილტვის კიბოს გამო. სტატისტიკის მიხედვით მკვეთრად გაიზარდა მწვევლ ქალთა რაოდენობა საქართველოში, რაც კიდევ უფრო საგანგაშოა! ეს კანონი (თუ იგი აღსრულდა) ნამდვილად მოუტანს სიკეთეს არამწვევლებს, რადგანაც მათაც აქეთ უფლება, ისეთიქონ სუფთა ჰაერი! ევროპისა და ამერიკის ბევრ რესტორანსა თუ საზოგადოებრივი კვების ობიექტში, სრულად აკრძალულია სიგარეტის მოწვევა (ამისთვის არსებობს სპეციალურად გამოყოფილი ადგილები). მე ვფიქრობ, ეს კანონი დადებითად იმოქმედებს იმ ადამიანებზე, რომლებიც არ არიან თამბაქოს აქტიური მოხმარებლები, ვფიქრობ, მწვევლთა რაოდენობა მცირედით მაინც შემცირდება. მე, როგორც ექიმი, ვურჩევ აქტიურ მწვევლებს-სიცოცხლე მშვენიერია და ნუ შეიმოკლებენ ნიკოტინის გამო!!!

ლიანა ლატარია - მიკროსაკრედიტო ექსპერტი-საქართველოში მწვევლთა სტატისტიკა საგანგაშოა. მოსახლეობის 1/3 მწვევლია და ეს სტატისტიკა წლიდან წლამდე იზრდება. ამ მხრივ განსაკუთრებით ქა-

ლები აქტიურობენ, რაც გვაფიქრებინებს, რომ უახლოეს 20 წელიწადში მწვევლთა რაოდენობით ქალები და მამაკაცები ერთმანეთს გაუტოლდებიან.

სხვადასხვა ქვეყანაში აპრობირებული მეთოდია თამბაქოზე უეცარი ფასის ზრდა, რაც კარგ შედეგს იძლევა და მწვევლთა რაოდენობას ამცირებს.

თამბაქოზე ფასის ზრდა განსაკუთრებით დამწყებ მწვევლებს ამინებთ და უმეტესი მათგანი მალევე ანებებს თავს თამბაქოს მოხმარებას.

მისასალმებელი ფაქტია მთავრობის მიერ შემუშავებული კანონპროექტი, რომელიც დაზურულ სივრცეებსა და საზოგადოებრივი თავშეყრის ადგილებში თამბაქოს მოხმარებას კრძალავს.

სტატისტიკას თუ დავეყრდნობით, იმ ბავშვების 80%, რომელნიც მწვევლთა ოჯახებში იზრდებიან, მოგვიანებით თავადვე იწყებენ მის მოხმარებას.

ამიტომ ფასების ზრდა და თამბაქოს მოხმარების არეალის შეზღუდვა საკმაოდ დადებით შედეგებს მოგვითმავს და ახალგაზრდების უმეტესობას მისცემს იმის სტიმულს, რომ ჯანსაღად იცხოვროს.

კაფე-ბარებმა და რესტორნებმა საწყის ეტაპზე შესაძლოა ფინანსური ზარალი ნახონ, თუმცა, დროთა განმავლობაში საზოგადოება შეერყევა ამ ცვლილებას და სიტუაცია დაბალანდება.

მაკაზე ფირფიტაშვილი, მწვევლი-ინჟინერი - თამბაქოს კონტროლის შესახებ ახალი კანონის ამოქმედებით, ჩემი აზრით, მწვევლთა რიცხვი არ შემცირდება... თავი ბევრჯერ ნარკომიდეგნია არამწვევლის ადგილზე და ვცდილობ, არ ვავნო მათ. ოთახში, საკუთარ სახლშიც არ ვწვები, ეს ჩემთვის პრობლემას არც ისე წარმოადგენდა, მაგრამ, რა ქნან დანარჩენმა მწვევლებმა, რომელთაც ეს შეზღუდვა მონევას ვერ გადააჩვენებს და ისინი, ჩემსავით არც არასდროს ანუხებდნენ სხვა არამწვევლ საზოგადოებას? ეკონომიკური რისკ-ფაქტორები მეორეხარისხოვანია, მთავარია, თანაბარ პირობებში გაუფრთხილდეთ მწვევლებსაც და არამწვევლებსაც, არ დაირღვას მათი ადამიანური უფლებები.

ქვირფასო მკითხველო, „თამბაქოს კონტროლის შესახებ“ ახალი რეგულაციების ძალაში შესვლა 2018 წლის 1 იანვრიდან იგეგმება. კანონი მთავრობის სტრატეგია და საზოგადოების აზრთან შესაბამისობაში, როგორც ჩვენი გამოკითხვებიდანაც ჩანს, ჯერ ბოლომდე არ მოდის. ვნახოთ, დაველოდოთ მოვლენების განვითარებას და იმ შესაძლო დადებით თუ უარყოფით რისკებს, რომელიც ამ კანონის ძალაში შესვლას მოჰყვება.

ელზა ხარაშვილი



„ღირსი არ ვარ ამ სამკაულებს ტარებისა, რადგან მათ გამო მოწყალეების გაცემა ვერ შევძელი“

თამარ მეფე განსაკუთრებული წმინდანი და უდიდესი მოღვაწეა. როდესაც საქართველოს მტერი თვს ესხმოდა, დიდი თამარი მონასტერს მიაშურებდა და საქართველოს მშვიდობისა და კეთილდღეობისათვის ლოცულობდა. იგი ქართველთა ჯარს წინ ფეხშიშველი, ჯვრით ხელში მიუძღვოდა. უფალს ავედრებდა მეომრებს, დალოცავდა და უკან სასახლეში კი არ ბრუნდებოდა, კვლავ მონასტერში მიდიოდა და დღე-

დაღამ ლოცვაში ატარებდა, ცრემლებით უფალს შეჰლაღებდა, ვიდრე ჯარი შინ გამარჯვებული დაბრუნდებოდა. მინდა ერთი შემთხვევა გავაცნოთ მისი ცხოვრებიდან-ერთხელ თამარ მეფე მონასტერში ღვთისმსახურებაზე წასასვლელად ემზადებოდა და მსახურნი მას მოსავდნენ და ამკობდნენ. ამ დროს, როდესაც დიდ თამარს სამეფო სამოსზე მშვენიერ ლალებს უმაგრებ-

ნენ, მეფეს ამცნეს, რომ კარზე მათხოვარი მოსულიყო და მოწყალეებს ითხოვდა. თანამარმა ბრძანა, ცოტა ხანს დაეცადა, ვიდრე შეიმოსებოდა და შემდეგ თავად გადასცემდა მას მოწყალეებს. როდესაც თამარ მეფეს სამკაულები შეაბეს- მსახურებს უბრძანა, მათხოვრისათვის მოეხმოთ, მაგრამ მეფეს მოახსენეს, რომ იგი ველარსად იპოვეს. თამარი ძლიერ დამწუხრდა. იმ დღეს მონასტერში რომ მიბრძანდა, თავისი

ძვირფასი ლაღის სამკაულები მოიხსნა და ყოველანაირად ღვთისმსობის ხატს შესწირა, თან ეს სიტყვები დაურთო: „ღირსი არ ვარ ამ სამკაულების ტარებისა, რადგან მათ გამო მოწყალეების გაცემა ვერ შევძელი“.

იქ, სადაც სინანულია, აუცილებლად მოწყალეობაცაა, აუცილებლად ღვთის შენობაა.

პუბლიკაცია მოამზადა ნანა ჭიჭინაძემ

ქალია ცხოვრების საწყისი

დედოფლისწყაროს კულტურის სახლის შესასვლელში ნითელი ხალიჩაა გაშლილი. მოსულ სტუმრებს და ხალიჩაზე გამგელებს ნითელი ტიტებით სავსე კალათიდან ყვავილებს სტუდია არლევონის გოგონები და თავად კულტურისა და სპორტის ცენტრის თანამშრომლები ჩუქნიან. საღამოს მთავარი მასპინძელი ცენტრის დირექტორი ნონა ჯიბლაშვილია, რომელიც თბილად ეგებება თითოეულ სტუმარს. ამ პატივით და ამადლებული განწყობით შეგვიდარდებოდა რაბაზში, სადაც ასეთივე ტიტებით მორთული სცენა და ფარდა გვხვდება. ბარათზე რომელიც ტიტასთან ერთად მოგვართვებს, წერია: „ძვირფასო ქალბატონებო! გაზაფხულის მზესავით თბილი, სიხარულით და სილამაზით სავსე იყოს თქვენი ცხოვრება!“ - ამ სიტყვების ავტორი დედოფლისწყაროს მუნიციპალიტეტის ხელმძღვანელობაა.

ფარდა იხსნება და სცენაზეა დედოფლისწყაროს ლეგენდარული ნამყვანი, შეუდარებელი დეკლამატორი, რაიონის ერთ-ერთი საუკეთესო სახე, ქალბატონი ცარო მარტიამილი. ძნელია, გულგრილად მოუსმინო ქალბატონი ცაროს თითოეულ სტრიქონს. ამჯერადაც გულში ჩამწვდომია მისი სიტყვები:

„ქალია ყველაფრის თავი და თავი, ქალია ცხოვრების მთავარი აზრი, ქალია სიკაცხლე, ქალია დაზღი, ქალია ამქვეყნიად ყველაზე კარგი,

ქალია სანთელი, ქალია ბანგი, ქალია ყვავილი ვარდი. ქალია მტანჯველი, ქალია მარტი, ქალია კაცების მთავარი განძი, ქალია ოცნება, ქალია ალი, ქალია ვულკანი, ცეცხლი და ქარი, ქალია ყველაფრის თავი და თავი, ქალია მთავარი, ქალია, ქალი.“

„მოგესალმებით უძვირფასესო ქალბატონებო! გილოცავთ თქვენით მთავარებულ მარტის დღესასწაულებს, გაზაფხულივით ლამაზი, გიჟ-მაჟი და ხალისიანი ყოფილიყოს თქვენი ცხოვრება. სიტობო და სიკეთე დაგბედებოდეთ სამარადშაოდ!-ხსნის საღამოს ქალბატონი ცარო და იქვე დასძენს, - „V საუკუნე... იაკობ ცურტაველი, იტყვის: „ოდეს ყოფილა არს აქამომდე, რომე დედათა და მამათა ერთად ეჭამოთ პური“, გაივლის ათასწლეულები და რუსთაველი „ლეკვი ლომისა სწორია, ძუ იყოს, თუნდა ზვადია.“ დღეს ჩვენი დღეა, ძვირფასო ქალბატონებო, ლამაზი და სასიამოვნო საღამოს გატარებას გისურვებთ.“ - ამბობს ქალბატონი ცარო და სცენაზე უხმობს ქორეოგრაფიულ ანსამბლ „შირაქს“ (ხელმძღვანელი ალექსანდრე გაბრიელაშვილი) რომელმაც შეასრულა ცეკვა „ნარნარი“.

სცენას იპყრობენ უამრავი ფესტივალის ლაურეატები, გრან-პრის და სხვადასხვა ხარისხის მედლების მფლობელი ლიკა, მარიამ და ანა ლოლაშვილები. ანსამბლმა „შირაქმა“ კვლავ შესრულა ცეკვა, ამჯერად „ქალთა ხევისურული“, რომელმაც მაყურებელს უპირველესად სისხლი აუჩქროლა.

სცენაზე სტუდია „არლევონის“ აღსაზრდელები გაზაფხულის ენძლელებით მოეფინნენ და ელენე ღვიინაშვილის და მალვინა ისმაილოვას მიერ შესრულებულ სიმღერის თანხლებით ლამაზად იცეკვეს.

მისასალმებელია, რომ კულტურის ცენტრში ახალგაზრდებს შეუძლიათ უპირველესად მიმართულეებით განვითარდნენ და ამით რაიონის კულტურული ცხოვრება ბევრად გაამრავალფეროვნონ.



უკვე ერთი წელია, კულტურის ცენტრში ჩამოყალიბდა სამეჯლისო ცეკვების წრე (ხელმძღვანელი ზვიჩა ალადაშვილი) და დედოფლისწყაროს ახალგაზრდებს მიეცათ საშუალება, აითვისონ ევროპული სასცენო ცეკვები. ღონისძიებაზე „ქალია ყველაფრის საწყისი“ სწორედ ამ ცეკვების აფიშირებასაც გაეცხა ხაზი და ჩვენ მოგვეცა საშუალება, გვეხილა მათი რამდენიმეთვიანი შრომის შედეგი. ნანახმა მოლოდინს გადააჭარბა, ლამაზი სამეჯლისო ცეკვის ნომრებმა გოგონების შესრულებით, მაყურებელში დიდი მოწონება და ოვაციები გავიწვიე.



მოინვია. მალვინა ისმაილოვას მალპროფესიონალურ დონეზე შესრულებულმა ვაჟა აზარაშვილის სენტიმენტალურმა ტანგომ, ვიოლინოზე აკომპანიატორი გახლდათ რაიონში შუადრებელი საფორტეპიანო შემსრულებელი ქალბატონი თამილა ნადირაშვილი.

სცენაზე სიმღერით „მეგობრებმა დაგვიბარეს“ გამოვიდა ანა ტატიშვილი და საკმაოდ კარგი ვოკალური შესაძლებლობა აჩვენა, მის სიმღერაზე კი, ცეკვა შეასრულეს ანსამბლ „შირაქის“ მოცეკვავეებმა.

ღონისძიებაზე შედგა დებიუტიც, ექიმ დიმიტრი ყოჩიაშვილის სამი გოგონა სცენაზე დალი ელისაშვილის ხელმძღვანელობით გამოვიდა. მოინონა მაყურებელმა და დადებითი ემოციებით შეაფასა. დებიუტი იმპრესიონალური და გავანახეს სოფელ ზემო მარხანის ქორეოგრაფიულმა ანსამბლმა, (ხელმძღვანელი თამაზ ღვალაძე) მათმა გოგონებმა თანამედროვე სტილში შეასრულეს ცეკვა „ხორუმი“.

ყოველი ადამიანისთვის და განსაკუთრებით ქალებისთვის ყველაზე დიდი ტკივილი დაცლილი სოფლები და რა თქმა უნდა სისხლისმღვრელი ომებია. „ჩვენი ტკივილია“

– ასე ერქვა ლიტერატურულ მუსიკალურ კომპოზიციას, რომელიც ახალგაზრდულმა თეატრმა „ბერიკონმა“ წარმოგვიდგინა.

„ბერიკონის“ გამოსვლას მოჰყვა კავკასიური პოპური კვლავ ზემო მარხანელი გოგონების შესრულებით.

დასასრულს ვოკალურმა კვარტეტმა და კინტეტმა შეასრულეს ქალაქური საესტრადო სიმღერები (ხელმძღვანელი ნინო ნიკვაშვილი) რამაც მაყურებელს კიდევ უფრო ამაღლებული განწყობა დაუტოვა. დასასრულს სცენაზე ავიდა კულტურის და ძეგლთა დაცვის ცენტრის დირექტორი ნონა ჯიბლაშვილი, რომელმაც სცენაზე მოიხმო რაიონის გამგებელი ნიკოლოზ ჯანიაშვილი. ნიკოლოზ ჯანიაშვილმა მიულოცა დედოფლისწყაროს ქალბატონებს ქალთა დღესასწაულები, უსურვა მათ ყოველივე საუკეთესო და მათთან ერთად გაზაფხულის დღეები მიულოცა საკუთარ დედას, რომელიც დარბაზში იმყოფებოდა. ღონისძიების დასასრულს სცენაზე ავიდნენ სტუდია „არლევონის“ აღსაზრდელები და ყველა მონაწილე გოგონა, რომლებსაც ნიკოლოზ ჯანიაშვილმა გადასცა ყვავილები.

სასიამოვნო საღამო იყო, ლამაზი გაფორმებით, საუკეთესო ემოციებით და ერთმანეთის სიყვარულით აღსავსე.

ლალი მხრიშვილი



პროექტი ხორციელდება „ქალთა ფონდი საქართველოს“ მხარდაჭერით. დედოფლისწყაროს ბუნებას გაფრთხილება სჭირდება

4 აპრილს გარემოს ეროვნული სააგენტოს ხელმძღვანელი თამარ ბაგრატია სააგენტოს სხვა წარმომადგენლებთან ერთად დედოფლისწყაროს ეწვია.

მათ დედოფლისწყაროს მუნიციპალიტეტის გამგებელთან ნიკოლოზ ჯანიაშვილთან ერთად დაათვალიერეს შირაქში გაშენებული ქარსაფარი ზოლი. ასევე, ქ.დედოფლისწყაროში რამდენიმე ადგილას სპეციალური აპარატურის მეშვეობით გაზომეს ჰაერის დაბინძურების, ხმაურის ხარისხი და ელექტრომაგნიტური გამოსხივების დონე. როგორც გარემოსდაცველებმა აღნიშნეს, ქალაქ დედოფლისწყაროში ჰაერის დაბინძურებისა და ხმაურის, ასევე რადიაციის დონე დასაშვებ ზღვარს არ აღემატება. ბაზრის მიმდებარე ტერიტორიაზე ისინი გაესაუბრნენ მოსახლეობას, რომლებმაც განაცხადეს, რომ „დედოფლისწყაროში ჰაერი კარგია, მაგრამ წყლის ხარისხი დასაფიქრებელი“.

სტუმრები ე.წ. ბურღის წყალს ეწვივნენ, დააგემოვნეს წყლის სინჯებიც აიღეს, რომლის შედეგებიც უახლოეს მომავალში გახდება ცნობილი. გარემოს ეროვნული სააგენტოს წარმომადგენლები ქოჩების ტბის მდგომარეობითაც დაინტერესდნენ და ტბის წყლის სინჯები აიღეს ლაბორატორიული კვლევისთვის მისი შემადგენლობის განსაზღვრის მიზნით.

მათი ვიზიტის მიზანი იყო ააიკ „დედოფლისწყაროს ქალების“ პროექტის - „ქალები სუფთა გარემოსთვის“ ფარგლებში გარემოსდაცვით საკითხებთან დაკავშირებული კვლევების ჩატარება.

ამ დღის შეფასება ვთხოვეთ პროექტის ხელმძღვანელს ლალი მხრიშვილს: „პროექტი „ქალები სუფთა გარემოსთვის“ ქალთა ფონდი საქართველოს“ მხარდაჭერით ხორციელდება და ის ითვალისწინებს კიდევ ერთხელ წინ წამოწივით, საზოგადოებას და თვითმმართველობას შევახსენოთ ის მწვავე პრობლემები, რაც დედოფლისწყაროში ეკოლოგიური კუთხით დგას.

დედოფლისწყაროში სამი დიდი პრობლემა არსებობს, ეს გახლავთ სასმელი წყლის ვარგისიანობა, ქოჩების ტბის დამბინძურება და შირაქის ველზე ადამიანის ხელყოფის შედეგად ქარსაფარი ზოლების თვითნებური განადგურება, წვა და ჭრა.

პროექტის „ქალები სუფთა გარემოსთვის“ მიზანია, გავაძლიეროთ მონიტორინგი ზემოთნახსენებ პრობლემებზე, გავაქტიუროთ საზოგადოების და თვითმმართველობის ჩართულობა ბუნების შენარჩუნებისთვის. ამ მხრივ დაგეგმილი გვაქვს შემეცნებითი ტრენინგები გარემოსდაცვის კუთხით, დასუფთავების აქციები და გამოფენები გარემოსდაცვის თემაზე. 4 აპრილს დედამინის დღეზე, ჩვენ სიმბოლურად მოვანყეთ გასვლითი ღონისძიება მოწყვლად ადგილებში. ეს გახლდათ ქოჩების ტბის დათვალიერება, ბურღის წყლის ტერიტორიის მონახულება, და ასევე მოვინახულეთ ახლადგაშენებული ქარსაფარი ზოლი შირაქის ტერიტორიაზე. ჩვენი სტუმარი გახლდათ გარემოს დაცვის სააგენტოს ხელმძღვანელი თამარ ბაგრატი, რომელიც გეოლოგების და ლაბორანტების თანხლებით გვესტუმრა. მათ მოახდინეს გარემოს დაბინძურების მონიტორინგი და სპეციალური აპარატურით შეამოწმეს დედოფლისწყაროს ჰაერის, მტვრის, ელექტრული სისხილის და ხმაურის მონიტორინგი, ასევე წაიღეს წყლების სინჯები. ზემოჩამოთვლილი



მონიტორინგი მეტად მნიშვნელოვანი გახლდათ როგორც დედოფლისწყაროს მოსახლეობის გარემოს უსაფრთხოების კუთხით, ასევე ჩვენი პროექტის ფარგლებში ნაცოფიერი მუშაობისთვის. საკმაოდ საინტერესო დღე იყო და იმედს ვიტოვებთ, რომ მომავალშიც საინტერესო შეხვედრები გველის.“

ინგა შილაშვილი



კიდევ ერთი წარმატება

ქალაქ თბილისში გაიმართა „შავი ზღვის ქვეყნების თასის“ ტურნირი ძალისმიერ სამჭიდში. ტურნირის ორგანიზატორი ძალისმიერი სპორტის საერთაშორისო გაერთიანების (IPSV) ფედერაცია იყო. ტურნირში მონაწილეობდნენ საქართველოს, რუსეთის, უკრაინის, თურქეთის, ირანის, აზერბაიჯანის და სომხეთის გუნდები და კლუბები. ტურნირი ორ დღეს გრძელდებოდა. პირველ დღეს ჩატარდა შავიზრთის ორჭიდის და სამჭიდის დისციპლინებში, ხოლო მეორე დღეს – ჟიმი და ამონევა. ჩაჯდომი და ბიციფსი ამ ტურნირზე, როგორც ცალკე დისციპლინა, ამოღებული იყო დღის წესრიგიდან. ამ დიდ ტურნირში მონაწილეობდა დედოფლისწყაროს ნაკრები გუნდიც, რომელსაც წვრთნის მიხეილ სეხნიასვილი.

„ამ გუნდმა, წინა ტურნირზე გუნდური I ადგილი დაიკავა. მათ 19 პირველი და 3 მეორე ადგილით და საქართველოს 10 ჩემპიონით ასახელეს მშობლიური რაიონი. ახლაც ღირსეულად იასპარეზეს ბიჭებმა მიუხედავად იმისა, რომ გუნდი განახევრებული შემადგენლობით გავიდა. მათ გუნდური I-II ადგილები გაიყვეს საქართველოს ერთ-ერთ უძლიერეს გუნდთან, რომლის წარმომადგენლებიც (20 სპორტსმენი) უკვე მრავალი წელია, პროფესიონალურად ვარჯიშობენ. კვლავ გავაზარა ახალგაზრდულმა ნაკრებმა. მათ I ადგილი დაიკავეს, რაც ახალბედა გუნდისთვის ნამდვილად კარგი შედეგია.“

რაიონის ნაკრებმა მინიმუმ რვა პირველი ადგილი დაკარგა იმის გამო, რომ შეჯიბრზე ვერ წავიდნენ და ვერ იასპარეზეს ისეთმა ძლიერმა სპორტსმენებმა, როგორებიც არიან: გიორგი ქართველიშვილი, ილო ლაპიაშვილი, ვასიკო ჩივაძე, გიორგი ხუციშვილი, მიმიკო აკიმენკო, ნიკა ბენაშვილი, გია შაშვიაშვილი. ისინი ყველა-ნი საქართველოს ჩემპიონები, ტურნირის გამარჯვებულები არიან და ნაკრების ძირითად ბირთვის წარმოადგენენ.

კვლავ მაღალი შედეგები აქვთ უმცროსებს და ჭაბუკებს 18 წლამდე. გამორჩეულად იასპარეზა 12 წლის ნუკრი ქოხაშვილმა, რომელიც 39 კგ-ს იწონის, მაგრამ 44/52 კგ წონით კატეგორიაში გამოდის. მან ორი პირველი ადგილი მოიპოვა – ჟიმში (60კგ) და ამონევაში (87,5კგ). ეს მსოფლიო რეზულტატებია. ამ ახალბედა სპორტსმენს დიდი პოტენციალი აქვს და მას გამორჩეულად სჭირდება ყურადღება და მხარში დგომა. ნუკრიმ ოთხივე მონინალ-მდეგე დიდი უპირატესობით დაამარცხა და დაამტკიცა, რომ ბადალი არ

ჰყავს თავის ასაკსა და წონით კატეგორიაში. ამავე კატეგორიაში მეორე ადგილზე გავიდა 10 წლის ანრი ყარაულაშვილი ჟიმი (38 კგ) და მესამე ადგილი დაიკავა 10 წლის ლადო ტუხაშვილმა – ჟიმი 36კგ. 13-15 წლიანთა კატეგორიაში იასპარეზეს ზურა ნიბომიძე, რომელმაც ორი პირველი ადგილი მოიპოვა (ჟიმი-45კგ და ამონევა-75 კგ) და გიორგი გულაშვილმა – II ადგილი (ამონევა 62,5კგ). ტოლი არავის დაუდევს მოზარდებმაც (15-18 წელი). 15 წლის ოთარ გავაშვილმა ჟიმში 80 კგ, ხოლო ამონევაში 135კგ აჩვენა. მას მეტი შესაძლებლობაც აქვს, მაგრამ ამ შემთხვევაში ის ტრამპირებული იყო. ორი პირველი ადგილი 16 წლის ილო მოსეშვილმაც მოიპოვა (ჟიმი 85 კგ და ამონევა 125კგ). ღირსეულად დაიცვა ჩემპიონის ტიტული. 17 წლის ბესიკ ყოჩიაშვილმა – 63 კგ (ჟიმი - 85კგ და ამონევა 125კგ) და ორი პირველი ადგილი დაიმსახურა. პირველი ადგილი ხვდა წილად ჟიმში (125კგ) 20 წლის გიორგი ხუციშვილს.

უფროსებში გვასახელა ჩვენმა თანამორიველმა ქაილან ისმაილოვმა. მან ორი პირველი ადგილი დაიკავა (ჟიმი-100კგ, და ამონევა-170კგ). მას მეტი რეზერვი აქვს და დამტკიცებს, ალბათ, თავის შესაძლებლობებს ეფროპის ჩემპიონატზე, რომელიც გაიმართება თურქეთის ქალაქ სტამბოლში 29-30 აპრილს, სადაც ეს გუნდი საქართველოს 25 კაციან ნაკრებში, მინიმუმ, 8 სპორტსმენით იქნება წარმოდგენილი.

კვლავ გვინდა მივმართოთ რაიონის ფერმერებს, ბიზნესმენებს, დაეხმარონ გუნდს, რათა მათი გამგზავრება ევროპის ჩემპიონატზე რეალურად გახდეს შესაძლებელი. ამასთან, სპორტსმენებს შეექმნათ ვარჯიშისთვის სათანადო პირობები. მართალია, რაიონის ხელმძღვანელობა, კერძოდ გამგებელი ნიკოლოზ ჯანიაშვილი და სპორტის ცენტრის ხელმძღვანელი ავთანდილ ხუმარაშვილი, აგრეთვე ფედერაციის ხელმძღვანელობა შესაძლებლობის ფარგლებში მხარში უდგას გუნდს, მაგრამ ეს საკმარისი არ არის. ქვეყნის ფარგლებს გარეთ გასვლა და იქ ასპარეზობა ასე მარტივი არ არის.

მე როგორც მწვრთნელი, ყველაფერს ვაკეთებ, რომ ჩამოვყალიბო ტრადიციული გუნდი ძალისმიერ სამჭიდში და დავემტკიცოთ მთელ მსოფლიოს რომ ქიზიყში ისევ იზადებინან ღირსეული გმირები და ლომის ბოკერები, როგორებიც იყვნენ წინა საუკუნეებში... ამაყები და უბატონოები...
მიხეილ სეხნიასვილი



ჩემპიონის წოდებით დაბვიბრუნდნენ



25 მარტს თბილისში გაიმართა საერთაშორისო ტურნირი შერეულ საბრძოლო ხელოვნებაში (MMA). ამ ტურნირზე დედოფლისწყაროს გუნდიდან (დედოფლისწყაროს უშუს გუნდი) ორი მებრძოლი იღებდა მონაწილეობას: ლუკა პოპიაშვილი და ნიკა გლახოშვილი. საყურადღებოა, რომ ორივე სპორტსმენმა დამაჯერებელი გამარჯვებით პირველივე რაუნდებში დაასრულა ბრძოლები. ლუკა პოპიაშვილმა აჩვენა თავისი მომზადება და ძლიერი დარტყმებით აზერბაიჯანელი მონინალმდეგე ნოკაუტში ჩააგდო. თავი გამოიჩინა ასევე ნიკა გლახოშვილმა. მან აზერბაიჯანელი მონინალმდეგე მახრობელა ილეთით გამოთიბა ასპარეზობას და დამსახურებული გამარჯვებაც მოიპოვა. ასე დაუფლნენ ჩვენი სპორტსმენები ჩემპიონის ტიტულს.



როგორ დაგტენოთ ტელეფონი საკუთარი ენერჯით? – ქართული ბიჭების გამოგონილი სამაჯური, ქამარი, ჩაფხუტი და კეპი ელექტრობენერატორით

„ჩვენ ალანის ენერჯის მიხედვით, რომელიც ახლად ტყუილად იხარჯებოდა...“

16 წლის ამირან ავთიასისა და 15 წლის გიორგი შელეგიას ერთობლივმა გამოგონებებმა მსოფლიოს სხვადასხვა ქვეყანაში დიდი მონონება დაიმსახურა. როგორც გვი-თხრეს, დიდ ჰონორარსაც სთავაზობდნენ, თუ გამოგონებას ერთი ქვეყნის სახელით წარადგენდნენ.

გიორგი შალვაძე: - ჩვენი პირველი გამოგონება იყო პორტატიული ელექტროგენერატორი სამაჯურში. მონაწილეობა საშუალებას იძლევა, ხელის უნებლიე მოძრაობით წარმოქმნას ენერჯია, რომელიც აუტომატირდება და USB-პორტის მეშვეობით, მუხტავს ტელეფონს, პლანშეტსა და სხვა გავრცელებს. ამ გამოგონებისთვის „ლეონარდო და ვინჩის“ კონკურსზე მესამე ადგილზე გავიდით. გავხდით intel-ის სპეციალური პრიზის მფლობელებიც და კონკურსზეც მივიღვეთ. Intel ISEF-ი ახალგაზრდა მეცნიერთა პროექტების საერთაშორისო კონკურსია, რომლის შესარჩევი ტური მსოფლიოს სხვადასხვა ქვეყნის 7 მილიონ სკოლაში ჩატარდა. Intel ISEF-2016 ამერიკაში, ფენიქსში გაიმართა და მონაწილეობდა 75 ქვეყნის 1.800-მდე მეცნიერ-გამომგონებელი, 800 განსხვავებული პროექტით. საქართველოს სახელით „ლეონარდო და ვინჩის“ კონკურსის გამარჯვებულები მონაწილეობდნენ...

– სულ რამდენი გამოგონება გაქვთ? ამირან ავთიასი: - ხუთი... პირველი სამაჯური და ქამარი იყო. თუ ადამიანი ორივეს ერთდროულად ატარებს, სიარულის დროს ელექტროგენერატორის გენერირებას ახდენს და შეგროვებული ენერჯით ტელეფონის დამუხტვა შეუძლია. მოძრაობას არ აფერხებს, ხელს არაფერში უშლის და ლამაზი ასესურაქვია. ჩვენ ადამიანის ენერჯიას ვიყენებთ, რომელიც აქამდე ტყუილად იხარჯებოდა...

მეორე გამოგონებაა ყუთი, რომელიც ასევე ნებისმიერ ვიბრაციაზე იტენება. მესამე და მეოთხე გამოგონებებია ჩაფხუტი და კეპი, რომლებსაც ელექტროგენერატორის გამოშვება შეუძლიათ...

ჩაფხუტს სამი რეჟიმი აქვს: მაგალითად, ცეცხლთან დადებ და ტელეფონი დაიტენება, მეორე რეჟიმით, თავიდან გამოყოფილი სითბო ელექტროგენერატორს გამოიშვება, მესამე რეჟიმით კი, ჩაფხუტში დამონტაჟებული მაცივარი ითვება და სიცხეში თავს აგრილებს... ჩვენი ჩაფხუტით ერთ-ერთი ქვეყანა დაინტერესდა, ჯარისთვის სურდათ. დიდ ჰონორარს გეთავაზობდნენ, მაგრამ ჩვენ ჩვენი სამშობლოს პატრიოტები ვართ.

გიორგი შალვაძე: - ჩვენი ბოლო გამოგონებაა ფანჯრის ჩარჩო, რომელიც სიცივისა და სითბოსგან ელექტროგენერატორს გამოიშვავს... შეგვიძლია ჩავართოთ ლუბტოპი, მაცივარი, მიკროტალღური ლუმე-

ლი, ავანთით შუქი, დაგტენოთ ტელეფონი და ასე შემდეგ. დიდ სხვაობას იძლევა ელექტროგენერატორის მოხმარების დროს და კარგი იქნება, თუ დაინერგება.

– როგორც ვიცი, ოქსფორდში მიგინვიეს... – საზაფხულო სკოლაში მიგინვია... ჩვენ განსაკუთრებული პირობით შემოგვთავაზეს საზაფხულო ტურსის გავლა სამეცნიერო კვირულის ფარგლებში. თუ დაფინანსება იქნება, ნიუ-იორკში ვგვამათ წასვლას.

ამირან ავთიასი: - ვგვამავდით გავგვეკეთებინა საიტი „ახალგაზრდა მეცნიერთა კლუბი“, სადაც უცხოურიდან თარგმნილი მეცნიერული სიახლეები განთავსდებოდა... როცა პრეზიდენტის ადმინისტრაციას გვგმა გავაცანით, თანადგომას დაგვპირდნენ, შემდეგ კი გვაცნობეს, სახსრების სიმცირის გამო ვერ დაგვხმარებთ, თვად ვგვამათ მსგავსის გაკეთებას და თუ გასურთ, ჩვენთან ითანამშრომლოთ...

პროექტი „ადმოჩინე ქართულად“ ჩვენი ახალი ნამოსყებაა. საქართველოში ბევრი ვერ ფლობს ინგლისურს სამეცნიერო დონეზე და ვერ ახერხებს სხვადასხვა ინფორმაციის მიღებას. ახალგაზრდა მეცნიერთა კლუბმა გადაწყვიტა, დაინყოს მუშაობა ისეთ პროექტზე, რომელიც ყველა ბავშვს საშუალებას მისცემს, მაქსიმალურად გამოიყენოს ის რესურსი, რომელსაც წარმოადგენს ტექნოპარკი

და ფაბლაბი, და დაებადოს მეტი ინოვაციური იდეა. ამისათვის შევქმენით ვებგვერდი www.inncheck.webs.com.

– როგორია ოქვენი გეგმები? გიორგი შალვაძე: - უკვე არსებული პროექტების დამუშავებას ვგეგმავთ. როცა ყველაფერი მზად გვექნება, ახალ გამოგონებებზე ვიფიქრებთ. ნიჭიერი მოზარდები საქართველოში მრავლად არიან და თითოეულს მხარდაჭერა სჭირდება. სწორედ ამას ისახავს მიზნად „ახალგაზრდა მეცნიერთა კლუბი“.



სარება ყოვლადწმიდისა ღვთისმშობლისა

ერთ-ერთ უდიდეს საუფლო დღესასწაულს, რომელსაც წმიდა ეკლესია 25 მარტს (ახ. სტილით 7 აპრილს) აღნიშნავს, სარება ეწოდება. ამ დღეს ყოვლადწმიდა მარიამთან ერთად მთელ კაცობრიობას ეუწყა, რომ სახიერმა ღმერთმა ადამიანი სიკვდილისა და ცოდვის სამუდამო ტყვეობისათვის ვერ გაიმეტა და ეშმაკის მონობისაგან მისი გამოხსნა გადაწყვიტა. ეს დღე არის დასაბამი „ჩვენი ცხოვრებისა და გამოჩინება საუკუნოთიგან დამალულისა საიდუმლოთისა“.

უფალმა იესო ქრისტეს შობამდე დიდი ხნით ადრე აღუთქვა კაცობრიობას, რომ მსხენლს, მესიას მოუფლენდა, რომელსაც შობდა ქალწული და უწოდებდა სახელად ეშმაკს, რომელიც ითარგმანება როგორც „ჩვენთარ არს ღმერთი“. ჭეშმარიტად, ღვთის განკაცებით ჩვენთან არს ღმერთი.

და აი, მიავლინა უფალმა მთავარანგელოზი გაბრიელი გალიელის ქალაქ ნაზარეთში ქალწულ მარიამთან, რომელიც დანინდული იყო იოსებზე, დავითის მოდგმის შთამომავალზე.

წარუდგა ანგელოზი ქალწულს და უთხრა: „გისაროდენ, მიმადლებულ, უფალი შენთანაა. კურთხეულ ხარ შენ დედათა შორის“. მარიამი შეაძრწუნა მისმა სიტყვებმა და გაიფიქრა: „ვითარ-მე არს

მოკითხვა ეცე?“ - რას უნდა ნიშნავდეს ეს მოკითხვა? ანგელოზმა უთხრა: „ნუ გეშინი, მარიამ, რამეთუ ჰპოვე მადლი წინაშე ღმრთისა. და აჰა, ესერა შენ მუცლად-ილო და ჰშვა ძე და უწოდი სახელი მისი იესუ“.

მარიამის ძეს ღმერთი დავითი საყდარს ანუ ისრაელის სამეფო ტახტისა და იაკობის სახლზე - ისრაელის თორმეტ ტომზე - საუკუნო (მარადიულ) სუფევას აღუთქვამს. მარადიული მხოლოდ ღმერთია, ხოლო „იაკობის სახლი“ უფლის მხოლოდელი, მორწმუნე ერია, რომელიც სულით უფალთანაა შეერთებული.

ადამიანის გონებისათვის მიუწვდომელია ქალწულისაგან უშვაკაცოდ შობა. ღვთისმშობელი, რადგან ქალწულების აღთქმა ჰქონდა დადებული, იკითხავს: „ვითარმე იყოს ესე ჩემდა, რამეთუ მე მამაკაცი არა ვიცი?“ ანგელოზი მიუგებს: „სული წმიდაი მოვიდეს შენ ზედა და ძალი მალღისა გფარავდეს შენ“, - და ნიშნისა ცხადდეს: მისი ნათესავი, მოხუცი ელისაბედი, უკვე მეექვსე თვეა, რაც მიდგომილია.

მარიამმა, როცა ყოველივე გამოწვევით გაიგო, დამორჩილდა, მიენდო უფალს და ღვთის ნებას თავისი ნება შეუერთა: „აჰა მხევალი უფლისაი, მეყავნ მე სი-



ღვთისმშობელი ქალწული, გისაროდენ, მიმადლებულ მარიამ, უფალი შენთანა, კურთხეულ ხარ შენ დედათა შორის და კურთხეულ არს ნაყოფი მუცლისა შენისა, რამეთუ გაცხობარი გვიშვი სულთა ჩვენთა.

ტყვისაებრ შენისა“. და მესყუელად შევიდა სულიწმიდა ქალწულის შუფინებელ ტაძარში.

რითი დაიმსახურა ქალწულმა მარიამმა ესოდენი მადლი ღვთისა, რომ ადამის მთელი მოდგმიდან სწორედ ის აირჩიეს ღვთის განხორციელების მსახურად?

იმით, რომ იგი ყოველი სათნოებით იყო შემკული, რამდენადაც ეს ადამიანის ბუნებისთვისაა შესაძლებელი, და იყო ჭეშმარიტი ტაძარი ღვთისა. განსაკუთრებით აღნიშნავენ მის სიმდაბლესა და სიმშვიდეს - სწორედ ამ სათნოებათა გამო გამოირჩია იგი უფალმა.

ქალწულ ღვთისმშობელზე ასეთი გადმოცემა არსებობს: როდესაც იგი ესაია წინასწარმეტყველის წიგნს კითხულობდა, იქ, სადაც წერია: „აჰა ესერა ქალწული მიუფლავს და შვეს ძე და უწოდონ სახელი მისი ეშმაკი“, - თურმე შეყოვნდა, გაიფიქრა, რა ნეტარი იქნება ის ქალწული, რომელზეც ეს ითქვაო და ღმერთს შეევედრა, მისი ხილვის ღირსი გამხდარიყო, რათა მხევალივით მომსახურებოდა მას.

სწორედ ამ სიმდაბლის გამო იყო, რომ მთავარანგელოზმა ესოდენ სულგრძელად დაუთმო ქალწულ მარიამს, რომელმაც ზეციურ მახარებელს ნათქვამის დამტკიცება და ახსნა მოსთხოვა. არცთუ დიდი ხნის წინ გაბრიელი მღვდელ ზაქარიას გამოეცხადა და შვილის შეძენა ახარა, მაგრამ მღვდელმა არ დაუჯერა, რადგან ისიც და მისი ცოლიც ღრმად მოხუცებულნი იყვნენ. მთავარანგელოზი განუარსდა მას და დააღუმა, ვიდრე

წინასწარმეტყველება ახდებოდა. ყოვლადწმიდა ქალწულს კი არამცთუ არ უსაყვედურა, არამედ დიდი კრძალვითა და მოთმინებით დააჯერა იგი და არ განეშორა, სანამ მორჩილებითა და სასოებით აღსავსე სიტყვები არ გაიგონა მისგან. მიზეზი ის გახლდათ, რომ ზაქარიამ თავისი ეჭვით ღრმად დაფარული ურწმუნოება გამოხატა, ყოვლადწმიდა მარიამმა კი - მორჩილება და სიმდაბლე.

ღმერთს არ სურდა, იძულებითა და შიშით აღგვასრულებინოს რომელიმე საქმე ან, პირიქით, დაგვიშალოს რაიმეს კეთება. იგი გულმონყალეა, სამართლიანი, წმინდა და სურს, ჩვენც ასეთივინ ვიყონ, მაგრამ კი არ გვაიძულებს სიკეთეს, არამედ შეგონებით, დარგებით, სწავლით, სიყვარულით მივყავართ მისკენ. მას სურს, რომ ჩვენი ნებით აღვასრულებდეთ ყოველ კეთილ საქმეს.

რა იარაღითაც იღვანა ეშმაკმა ჩვენი დაცემისათვის, იმავე იარაღით გვიხსნა ქრისტემ; თუ ვვას საქციელმა ადამის მოდგმას ცრემლი მრავალგზის დაადინა, ქალწულმა მარიამმა უდიდესი სიხარული მოუტანა. ღვთისმშობლის ერთ-ერთი ეპითეტია „განმანათლებელი“, ნიშნად იმისა, რომ სიბნელებში მყოფ კაცობრიობას მის მიერ გამოუბრწყინდა მზე სიმართლისა და მორწმუნეთა გონება განანათლა.

გზობა - უფლის დიდებით შესვლა იერუსალიმში



იესო ქრისტე სახედარზე ამხედრებული შედის იერუსალიმში, სადაც მას ეგებება ხალხი,

რომელიც პალმის ტოტებს უფენს წინ შეძახილებით: „ოსანა! კურთხეულ არს მომავალი სახელითა

უფლისაითა, მეუფე ისრაელისა!“ (იოანე, 12,13). თითქოსდა ქრისტიანობა დღესასწაულობს — ქრისტეს ეთაყვანება წმინდა ქალაქი, მთელი ხალხი აღტაცებით ხვდება მას. მაგრამ სულ მალე გახდება ცხადი, რომ ვისაც ელოდნენ, ის თურმე არ სჭირდებათ — ელოდნენ პოლიტიკურ ბელადს, ვინც მათ გაათავისუფლებდა მინიერი მტრისგან - ოკუპანტი რომაელებისაგან, და არა გაცილებით საშიში მტრისგან — ეშმაკისაგან. ამიტომ, ბრბო, რომელიც დღეს იხახის: „ოსანა ძესა დავითისას“, ხვალ დაიძახებს: „ჯვარს აცუ ეშმაკ!“

იერუსალიმში შესვლისას, იესო პირველ ყოვლისა, ტაძრიდან გამოიყრის ყველა მყიდველსა და გამყიდველს, ააყირავებს მეკერძეთა ტაბლებს და მტრედებით მოვაჭრეთა მერხებს. თანაც მკაცრად განმარტავს საკუთარი



საქციელის მიზეზს: „ჩემი სახლი სალოცავ სახლად იწოდება; თქვენ კი ყაჩაღთა ბუნაგად გიქცევით იგი“ (მათე. 21:13). ამის შემდეგ იესო კურნავს უსინათლოებსა და ხეობრებს.

ბზობის დღესასწაული სიმბოლოა, ერთი მხრივ, იესო ქრისტეს მისი ალიარების, მეორე მხრივ — წინაზე სახეა ადამიანის ძის სამოთხეში შესვლისა. ის, რომ მაცხოვარი შედის ქალაქში ვირზე ამხედრებული, გულისხმობს მშვიდობის, და არა ომის, მოსურნეობას (სიმბოლურად ვირზე ამხედრება — მშვიდობის ნიშანია,

ცხენზე — ომისა).

მწუხრის ლოცვაზე დამსრუნე მორწმუნენი ბზებით, ყვავილებით და ანთებული სანთლებით ხელში, მიესალმებიან უხილავად იერუსალიმს მომავალ მაცხოვარს, როგორც ჯოჯოხეთისა და სიკვდილის დამორგუნველს. ცისკრის ლოცვისას ბზის ტოტები, რომლებიც ხელში უჭირავთ მორწმუნეებს, იპკურებიან ნაკურთხი წყლით.

მართლმადიდებელი ქრისტიანები ნაკურთხ ბზის ტოტებს მთელი წელი იხახვენ და მათ ხატების მოსართავადაც იყენებენ.

ს ს შ ა

ზურაბ გობილაშვილი



ზურა, როგორ მტკივა გული, რომ შენ აღარ ხარ. გვენატრება შენი ხმის გაგონება, ვერ წარმოგვიდგენია ცხოვრება უშენოდ. 25 თებერვალი საშინელი დღეა ჩვენს ცხოვრებაში, მიჭირს ამ დღის გახსენება, ჩემო სიცოცხლე-შენი თვალები, შენი სიმშვიდე... ისევ ჩემზე ზრუნავდი, რომ არ მეგრძნო სიკვდილის საშიშროება, როგორ მანუგეშებდი. დღესაც ყურში ჩამესმის შენი სიტყვები - არ ინერვიულო, ნუ გეშინიაო. თურმე რა მელიდა და არ მიწოდდა ამის დაჯერება. როგორ გინდოდა სიცოცხლე, ჩვენი ერთადერთი, იმედს არ კარგავდნენ შენი შვილებიც, აქეთ მანუგეშებდნენ: - დედა, ყველაფერი კარგად იქნებაო, მაგრამ ამაოდ. დღეს უჭირთ უშენობა, ზურა, შენს გარეშე ცხოვრება, არ უნდათ, რომ დაიჯერონ ეს მწარე რეალობა. ყველა ქმედებას შენ გიკავშირებენ, მამას ასე ენდომებოდა და გაუხარდებოდაო. სულ შენს სურათს ეფერებიან. მონატრებას ვერ ფარავენ. ენატრები ოთხოს. შენს შეგებებას ნატრულობს, შენი ხმის გაგონებას, ამბობს, როგორ მჭირდება მამის გვერდში დგომა ამ წუთასო.

შენ ხომ არ შეგეძლო წინოს გარეშე, ახლა მასაც ძალიან უჭირს, ენატრები, ეფერება შენს ნივთებს და გულში იხუტებს.რა ვუყო, მეუბნებიან, დედაც შენ უნდა იყო და მამაცო, მაგრამ მე ამათ უშენობას ვერ შევუვსებ. ძალიან თბილი, მოსიყვარულიე, მზრუნველი მამა დაკარგეს. მწარე ყოფილა და უსამართლო ეს ცხოვრება, გული მტკივა, ჩვენთან რომ აღარ ხარ, ძალიან მენატრები და მიჭირს უშენოდ ცხოვრება, ჩემო სიცოცხლე. შენს დანატრავარ ორ სანთელს ღირსეულად გავზრდი ისე, როგორც შენ გინდოდა შენს სულს გეფიცები. ძნელია შვილმკვდარი მშობლების ყურება, რომლებიც შენს საფლავს არ შორდებიან, თვალები ცრემლებით ევსებათ, მაგრამ შენი შვილების გამო იკრებენ ძალას. რა ტკბილი ყოფილა შენს გვერდით გატარებული ეს ოცდაორი წელი და რა მწარეა ეს ორმოცი ცრემლიანი დღე უშენოდ. მიჭირს ძალიან, მგონია, ცამ პირი შეკრა და ბინდი ჩამოვანა ჩემს გარშემო, როგორ მიყვარდა გაზაფხული შენთან ერთად და როგორ მძულს ახლა უშენოდ.რამდენი აუსრულებელი ოცნება მოიტოვე უკან შენი ოჯახისთვის. ძნელია, მაგრამ ვუძლებთ უშენობას იმ იმედით, რომ უფალმა წაგვიყვანა თავისთან. ნათქვამია, უფალსაც კარგები უნდაო, ოღონდ იმკვიცხლად მაინც იყავი ბედნიერი. შენმა სულმა დაიმკვიდროს ცათა სასუფეველი, ჩვენ კი ისლა დაგვრჩენია, მოვიდეთ შენს საფლავთან, ავინთოთ სანთლები და ვილოცოთ შენი სულისთვის, ჩვენი დიდი ტკივილი და მონატრება.

მონატრებით, შენი მეუღლე როზა გობილაშვილი.

დედოფლისწყაროს აგრარული ბაზრის თანამშრომლები და მეგობრები მწუხარებით იუწყებიან საუკეთესო დედის, კარგი მეუღლის, მეგობრის და თანამშრომლის, სიკეთით აღსავსე ქალბატონის

ქრისტინე ქადაგიძის გარდაცვალებას და სამძიმარს უცხადებენ განსვენებულის ოჯახს.



სამშობიარო განყოფილების ყოფილი თანამშრომლები იუწყებიან ლილი ბასილაშვილ-ტოკლიკიშვილის გარდაცვალებას და თანაგრძობას უცხადებენ ნოდარ და ლალი ტოკლიკიშვილების ოჯახებს.

დედოფლისწყაროს მუნიციპალიტეტის გამგეობა თანაგრძობას უცხადებს ტერიტორიული ორგანოს რწმუნებულს სოფელ ფიროსმანში ვალიკო აბაშიძეს მამის

შახზად აბაშიძის გარდაცვალების გამო.

კულტურული მემკვიდრეობის კიდევ ორი ძეგლი

გასულ კვირას დედოფლისწყაროს მუნიციპალიტეტის ტერიტორიაზე მდებარე კიდევ ორ უნიკალურ ობიექტს მიენიჭა კულტურული მემკვიდრეობის ძეგლის სტატუსი. ელდარში ხორანთას ნაქალაქარს და სასაზღვრო ზოლთან მდებარე ნაქალაქარის ნაშთებს.

კულტურული მემკვიდრეობის დაცვის ეროვნული სააგენტოს ხელმძღვანელის ნიკოლოზ ანთიძის ბრძანებით, ნაქალაქარ ხორანთას კულტურული მემკვიდრეობის უძრავი ძეგლის სტატუსი მიენიჭა. ხორანთა დედოფლისწყაროს რაიონში, ელდარის ველზე, სამუხის ქედის დასავლეთ ძირში მდებარეობს.

გაზეთ „შირაქის“ მკითხველს ალბათ ახსოვს, რომ მსგავსი სვეტის ძირები, როგორც ამჯერად ხორანთას ძეგლთან შეინიშნება, 2011 წლის 10 აპრილს დედოფლისწყაროს საზღვრისპირა სოფელ საბათლოში ერთ-ერთმა ადგილობრივმა იაშა ალაჯიანმა საკუთარი მიწის ნაკვეთის დამუშავებისას შემთხვევით აღმოაჩინა. ექსპერტები ამ დრომდე იკვლევენ, იყო თუ არა საბათლოში რომელიღაც დროის დროებითი სადგომი. სპეციალისტები ვარაუდობენ, რომ საბათლოში აღმოჩენილი უცნობი


ნარმოვლობის სვეტის ძირი, ძველი ნელთა-ლრიცხვის V-IV საუკუნეებში აგებული შენობის ნანაღი უნდა იყოს. სვეტის ძირი ამჟამად ილიას უნივერსიტეტის დედოფლისწყაროს სამეცნიერო-კვლევით ცენტრში ინახება.

„ხორანთის, იგივე ქ. შერეთის დაარსებას საისტორიო წყაროები შერეთს მიაწერენ. იგი შერეთის სამეფოს დედაქალაქი იყო, რომელმაც თავისი არსებობა, ლეონტი მროველის მიხედვით, VIII ს-ში არაბთა შემოსევების დროს, ხოლო ვახუშტი ბაგრატიონის ცნობის თანახმად 1265 წ. ბერქა ყაენის დამანგრეველი ლაშქრობის შედეგად შეწყვიტა.

ნაქალაქარი მიკვლეული იქნა 1965 წელს საქართველოს სახელმწიფო მუზეუმის კახეთის არქეოლოგიური ექსპედიციის მიერ (ხელმძღვანელი. ლ. ჭილაშვილი). ქალაქი 10 ჰექტარზეა განფენილი. რამდენიმე უბნის გაერთიანება, რომლებიც ერთმანეთისგან მცირე ხეობითაა გამოყოფილი.

ნაქალაქარის ერთ-ერთ უბანზე 2009 წ. გადარჩენილი არქეოლოგიური სამუშაოები აწარმოა ილიას სახელმწიფო უნივერსიტეტმა. ნაგებობა დამხრობილია ჩრდილო-დასავლეთიდან სამხრეთ-აღმოსავლეთისკენ. კედლების ქვედა ნაწილი მსუბუქად დამუშავებული ქვიშაქვისაა თიხით შემტკიცებული, ზედა ფენა კი - ალიზის აგურის. კარის ლიობი ჩრდილოეთი კედლის აღმოსავლეთ ნაწილშია. ჩრდილოეთი კედლის გასწვრივ ორი ბაზისია ერთმანეთისგან 3,75 მ დაშორებული. ნაგებობის სამხრეთ ნაწილში ჩადგმულია საშუალო სიღრმის ქვევრი. აღნიშნული ნაგებობა უფრო ადრეული ნაგებობის ნაშალზე დგას, რომლის კუთვნილია აქვე აღმოჩენილი აქემენიდური ხანით დათარიღებული სვეტის ლილევიანი და სამსაფეხურიანი „კვარცხლბეკზე“ დაყრდნობილი ბაზისი“. - აღნიშნულია კულტურული მემკვიდრეობის დაცვის ეროვნული სააგენტოს მიერ გავრცელებულ ინფორმაციაში.

ამას გარდა, საქართველო - აზერბაიჯანის საზღვარზე მდებარე ნაქალაქარს კულტურული მემკვიდრეობის უძრავი ძეგლის სტატუსი მიენიჭა. კულტურული მემკვიდრეობის დაცვის ეროვნული სააგენტოს ინფორმაციით, ნაქალაქარის სამხრეთი ნაწილი ამჟამად აზერბაიჯანის ტერიტორიაზეა. მის შესახებ ისტორიული ცნობები არ არსებობს და მისი სახელწოდებაც უცნობია. ნაკლებად ცნობილ ძეგლს ეროვნული სააგენტოს ხელმძღვანელის შესაბამისი ბრძანებით კულ-



ულოსავენი!

ნინი კორახაშვილს!

ნინი, ჩვენი ლამაზო, სინაზით აღვსილო და ნიჭიერო გოგონა, ჩვენი ნათლულო, გილოცავთ 11 წლის თავს. გისურვებთ ლალ და ბედნიერ ბავშვობას, წარჩინებით სწავლას და შენი მიზნების ასრულებას. იმედია, სამშობლოს ღირსეული და ძლიერი ქალბატონი გაიზრდები და შენს ადგილს დაიმკვიდრებ ჩვენი ქვეყნის განვითარების საქმეში. უფალი იყოს შენი მფარველი.

პატივისცემით, ლალი მხერიშვილი და პაპა მოგაშვილი.

თქვენმა სიკეთემ გული გაგვითხო...

უამრავი ლამაზი და საინტერესო დღეები გვახსოვს მოსწავლე ახალგაზრდობის სახლში, მაგრამ განსხვავებულად თბილი და მშვენიერი, მაღლიანი და გულიანი დღე იყო 31 მარტი, როცა ქსოვის წრის მოსწავლეებმა ნანა მასწავლებლები (ნანა ახალაშვილი) ინიციატივით სათნოების სახლის ბენეფიციარებს საგაზაფხულო საჩუქრები მოუმზადეს და სტუმრად ეწვივნენ.

იყიდება!

იყიდება ერთოთახიანი ბინა ავტოფარეხით დედოფლისწყაროში (სოკარის მოპირდაპირე მხარეს) რუსთაველის ქუჩა N4, კორპუსი 31, ბინა 17. შესაძლებელია გაცვლა კერძო საცხოვრებელ ბინაზე. ფასი შეთანხმებით.

☎ 591 80 35 13.

სოფიო მაჭარაშვილს!

შოთა შანშიაშვილს!

გილოცავთ შვილის დაბადებას. ეს ხომ ღვთის ხილული სასწაულია. გისურვებთ, ყოფილიყავით ბედნიერი მშობლები, პატარა სალმის კი ჯანმრთელობას და უზრუნველ მომავალს ვუსურვებთ!

დედოფლისწყაროს მუნიციპალიტეტის გამგებელი ნიკოლოზ ჯანიაშვილი და გამგეობის თანამშრომლები

ანი, სალომე, ნატალი, ლიზი, ლალიანა, მილენა, ლილე, მარი, ზურა, ნიკოლოზ, გიორგი, ნიკა..

„გმაღლობთ ბავშვებო ამ სითბოსთვის, და ამ ლამაზი ერთი დღისათვის, თქვენმა სიკეთემ გული გაათბო, სულში იმედის შუქი აანთო, ჩანაჩილ კაცს თუ ხელს შეაშველებთ, წამოაყენებთ, გზას გაუყენებთ, მარტობაში არ მიატოვებთ, და თბილ სიტყვასაც არ დაიშურებთ, დიმილით თუკი გულსაც გაუთბობთ, ლუკმას ალაღად, უხმოდ გაუყოფთ, რა მოგვერევა, რა შეგვაძინებს, ვერასდროს, ვერვინ გადაგვაშენებს.“

მოსწავლე-ასტვლავარდობის სახლის მასწავლებელი ნინო სივრაშვილი

ამინდი		დედოფლისწყარო		საბურთალოს რაიონი		თბილისი		საბურთალოს რაიონი		თბილისი	
ორშაბათი 10.04	სამშაბათი 11.04	ორშაბათი 12.04	სუთშაბათი 13.04	პარასკევი 14.04	შაბათი 15.04	კვირა 16.04	ორშაბათი 17.04	სამშაბათი 18.04	ორშაბათი 19.04	სამშაბათი 20.04	კვირა 21.04
დღე	ღამე	დღე	ღამე	დღე	ღამე	დღე	ღამე	დღე	ღამე	დღე	ღამე
3°	2°	7°	4°	10°	9°	14°	13°	14°	13°	13°	12°

<p>გამომცემელი შპს „შირაქი“ დირექტორი ინგა შიოლაშვილი</p> <p>რედაქტორი ნაირა გორაშვილი-პოპიაშვილი</p> <p>წერილში მოყვანილ ფაქტებს და ციფრებს პასუხს ავებს ავტორი.</p>	<p>სარედაქციო კოლეგია: ლალი მხერიშვილი, ილია მარტყოფლიშვილი (ჟურნალისტები); ელზა ხარაშვილი (სტილისტ-მენეჯერი); ნათია ზოსტაშვილი (ბუღალტერი); ნინო ჯანიაშვილი (ოფის-მენეჯერი); მზინა ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).</p> <p>გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „სამშობლოს“ სტამბაში.</p>	<p>რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)</p> <p>რეგისტრირებულია დედოფლისწყაროს რაიონის სასამართლოს მიერ, №6014-468.</p>
---	---	---